

崆峒山志

(全)

中國方志叢書·華北地方·第三五二號

據

清·張伯魁纂修
清·嘉慶二十四年刊本
影印

甘肅省

崆峒山志
(全)

成文出版社有限公司印行

崆峒山志序

蓋聞星分金野正當斗極之垣
地近瑤池直接崑崙之脈是以
北極空桐名已傳於爾雅西連
涇谷形曾附乎山經况黃帝廣
成之所居昔聞至道秦皇漢武

之所到代有仙踪也哉爾其五
臺競秀萬壑爭流涇水繞其前
湧出雲濤石海筭山聳其後宛
然霧鬢煙鬟鶴洞元雲或翱翔
乎緱嶺鳳山彩霧時掩映於朝
陽虹跨仙橋海外飛來螭螭龜

浮蓮葉臺中擎出芙蓉獅子崖
高肖狡狴之蹲踞馬駿峯峻儼
騏驎之騰驤翡翠屏開曾出丹
崖碧嶂琉璃泉湧噴來玉液瓊
漿峯名蠟燭遊人不夜之燈臺
號香爐仙子長春之篆欽奇萬

狀有非郭璞之所能名突兀千
尋亦非盧敖之所能至者矣乃
於唐宋兵戈之際久蕪沒於斷
梗荒榛而自元明創建以來遂
大營乎琳宮梵刹羽客緇衣時
往來而留寓文人學士多唱和

閩命

以留題於是李鶴崖創修斯志
傳流已過百年王秋浦手集成
編採訪曾經廿載余也欽承
出守名邦見其山川秀拔洵屬
神皋輿區卷帙灝繁如入瓊林
瑤圃重加纂修爰授剞劂非等

國

家祝豐樂之休賦鹿鳴而歌兔

燭既為

圭璋之彥將見際金甌而調玉

雷雨之功維嶽降神誕生特達

抑又聞之名山作鎮每著風雲

齊諧之誌怪豈同莊叟之說元

朝

置更為

朝廷慶人才之盛豈徒效謝靈運
之遊山柳宗元之作記云爾哉
嘉慶二十四年己卯夏五
中憲大夫知平涼府事海鹽張
伯魁春溪氏題

重修崆峒志序

嘗攷祀典所載山林川谷邱陵能出雲爲風雨見怪物皆曰神況崆峒涇水爲寓內名山大川其出雲降雨所以靈佑生民者蓋巖巖乎一郡之望也廼自莊子有黃帝問道之說而古今好事者遂緣以爲神仙窟宅唐宋以來間有營建迄乎元明琳宮梵剎幾遍巖阿而文人墨客登臨其上率多題詠積成卷帙此崆峒志之所由作也余以辛亥春恭承

簡命來守是邦到任之初通告山川爲民祈福而崆峒尤
爲夙昔所景仰及暇取舊志閱之見其殘缺殊甚字
跡漫滅不可卒讀用爲浩歎數年來旱乾水溢到處
有之而境內粗安風雨以時民人以和意者山靈其
助我乎歲乙卯適奉檄刊修郡志因命紳士採輯崆
峒志稿余手爲釐定冗者刪之缺者補之視舊志之
未備者稍加詳矣是志也非敢寄情於山水也非敢
竊比於作述也第以出雲降雨爲生民利濟所關表

而章之俾覩斯志者知神臯奧區將與華山吳嶽同
爲西北巨鎮是亦守土者之責也豈徒供卧遊之資
已哉

嘉慶二年歲在丁巳六月吉日朝議大夫知平涼府
事前刑部貴州司郎中孟津閣曾履題於攸堅堂

崆峒志原敘

崆峒誌者誌崆峒之勝也崆峒之名甲寰宇而耀史冊述古亡論已卽今之騷客墨卿縉流羽士或咏游以密抱或偃息以頤真孰非有契於茲山哉然前旣無傳後竟莫述山靈幾負矣鶴崖李君嗜古遂學採錄聞見編次成誌一覽而勝概險要舉在目前崆峒文獻庶其有徵乎潮也來守是邦披輿圖而思經理之閱地利而思保障之不能無感焉凡遊覽上公靡

不覩山河之固而畫安攘之策爲平郡萬世民社計
也漫遊云乎哉是誌之作又豈徒然哉昔萬歷乙酉
歲孟秋吉日中憲大夫知平涼府事三河懷塘羅潮
書於退省堂

重修崆峒誌原序

余讀子厚諸遊記心竊好之旣嘉其文詞而尤怪永州之地山水之佳勝獨擅於天下故能發遊者胸中之奇而抒之於文其瑰異乃至於此每思一見之而其地遠在三湘之南非遊跡所能至惟時讀柳子所記窮深極變如身入西山黃溪袁渴之中依然峭壁層巖長林邃壑幽泉怪石烟雲魚鳥漁歌樵唱互陳疊效於左右也故雖未至其處而所謂佳勝之概亦

庶幾於其記彷彿見之已順治九年余以部曹郎出
守平涼考閱輿圖始知隸郡有崆峒者蓋西北之名
山卽世所稱軒帝漢武之所遊幸者也抵治後亟往
登其絕巘遍歷諸峯以及元宮梵刹無不周覽遂極
殊峭怪特曠奧偉麗之觀耳目所接恍然有動於心
急欲見之紀述如褰裳臨錢塘潮望而自返更無着
足處因念嚮所度永柳山水之勝或未能過此而益
信子厚之奇文善狀也暇則閱舊誌雖敘述未盡而

條目畧具凡前之所周覽者尙可手指而心憶之用
以滌煩囂怡神志以資卧遊亦甚便也歲久字畫剝
敝遂重訂鏤之以示後之耽勝如余者或取爲卧遊
之具云爾
昔順治庚子春王中憲大夫知平涼府事
戶部廣西清吏司郎中大興李遇昌元感題於環青
閣